

陸  
子  
學  
譜

陸子學譜卷之五

平越王士俊校

家學

先生之學。固曲心得。然家世授受。不可善也。自其高曾以來。世有令德。厥考宣教公。尤琅偉。慈湖稱其生有異稟。端重不伐。究心典籍。見於躬行。酌先儒冠昏喪祭之禮。行於家。不用異教。家道益肅。著聞於海內。其淵源固已矣矣。諸兄皆恂恂儒素。梭山復齋並稱海內大儒。至先生而集其成耳。子持之負經。畧求史列在特傳。從子楨之麟之煥之。至從孫濟冲。並能世其學。不特十世同居之盛已也。故

敘其家學繼友教之後

陸從政九思

從政公諱九思字子彊姓陸氏陸出媯姓周武王封媯滿於陳春秋時陳公子敬仲適齊別其氏曰田後田氏有齊至宣王時封其少于通於平原陸鄉又別其氏爲陸通齊孫烈爲吳令子孫遠爲吳郡吳縣人烈三十九世至希聲論著甚多晚歲相唐昭宗卒諡文公生六子次子崇生德遷五代末避地於撫州金谿解囊中資裝置田治生貲高閭里爲金谿陸氏之祖居延福鄉之青田第四子諱有程從政高祖也博學於書無所不觀曾祖諱演能世其業寬厚有容祖我爲第四子趣尚清高不治生業考諱賀字道卿究心典籍見於躬行家道整肅著聞海內贈宣教郎生六子從政居長初與鄉舉

後以恩封從政郎弟梭山撰行狀所著有家問一卷朱子爲之序其畧云家問所以訓飭其子孫者不以不得科第爲病而深以不識禮義爲憂其懇懇懇切反覆曉譬說盡事理無一毫勉強飾飾之意而慈祥篤實之氣藹然諷味數四不能釋手云今按此文朱子集中未載

嘉靖撫州志本傳畧云九思舉進士幼弟九淵始生鄉人有求抱養爲子者二親以子多欲許之子彊力請以爲不可是年子彊適生子煥之因語妻曰我子付田婦乳爾當乳小叔妻忻然從之九淵既長即象山先生也事兄嫂如父母及守荆門迎侍以往不半年而歸後因書以郡政告子彊猶責其矜功其嚴毅如此

陸處士九敘

處士公九敘字子儀先生仲兄也公正通敏時賢高其行誼  
稱曰處士又稱曰五九居士善治生總藥肆以足其家先生  
撰墓誌云公生於宣和五年七月乙卯卒於淳熙十四年五  
月癸亥享年六十有五以卒之年十月壬辰葬於臨川縣長  
壽鄉羅首峰下公氣稟恢廓公正不事形迹羣居族談公在  
其間初若無與至有疑議或正色而斷之以一言或談笑而  
解之以一說往往爲之煥然家素貧無田業自先世爲藥肆  
以養生兄弟六人公居次伯叔氏皆從事場屋公獨總藥肆  
事一家之衣食百用盡出於此子弟僕役分役其間者甚衆  
公未嘗屑屑於稽檢伺察而人莫有欺之者商旅往來咸得  
其愷心不任權譎計數而人各獻其便利以相裨益故能以  
此足其家而無匱乏後雖稍有田畝至今計所收僅能供飭

月之糧食指日衆其仰給藥肆者日益重公周旋其間如一日也公娶余氏先公十一年卒余氏孝順出於天性婦如皆以爲莫及當窮約時公之子女衣服敝敗特甚余氏或時及之公即正色呵止必伯叔氏爲之處乃始得衣雖公之衣服器用亦往往如此及伯季有四方遊雖至窘急囊無不立具自公云已遠方士友聞訃慰唁諸孤與公之伯季稱公德悼痛傷惋無異辭子男四人望之麟之立之尚之女六人長適鄉貢進士張商佐次適黃叔豐次適危三畏先公十七年卒次適徐翔龍周濟與熊鑑孫男三人女五人皆幼弟宜菴郎主管台州崇道觀某謹誌

按許魯齋謂學以治生爲急處士治家以成諸弟之學故不可不錄且陸氏十世同居處士之功爲多也

陸修職九皋

修職公諱九皋先生第三兄也。字子昭。少力學。與鄉舉。仕終修職郎。監潭州南嶽廟。先生表其墓。其畧云。陸氏徙金谿。年餘二百。嗣見九世公居五世。同胞六人。公爲叔氏。少力於學。日課經于文集。必成誦。夜閱史冊。不盡快不止。嘗夜過分先君子見公。猶觀書。勉使寢息。公後不能自已。爲之障燈屏。息懼先君之復知之也。及長。補郡學子弟員一試。即居上游。郡博士徐君視公文行俱優。擢爲齊長。公與二季嘗正衣冠講誦不懈。徐君每所咨實。月試必聯名占前列。徐君嘗語於衆曰。此其學皆有淵源。非私之也。然公年過三十始獲薦名。又復不第。投老乃得一官。茲非命耶。公持論根據經理。耻穿鑿之習。雖踳躐塲屋。而人所推尊。不在利達者。後授經之士。或

以獨步膠庠。或以擅塲南省。而公之與否。曾不以是一視其  
言行如何耳。今其徒有忠信自將。退然里巷庠序之間。若將  
而而進。修不替者。公之教也。先君子居約時。門戶艱難之  
。公所當每以條理精密。濟登平易。吾家素無田。蔬圃不盈  
十畝。而食指以千數。仰藥寮以生。伯兄總家務。仲兄治藥寮。  
公授徒家塾。以求修之。饋補其不足。先君晚歲。用是得與族  
黨賓客。優游觴詠。從容琴奕。裕然無窮匱之憂。當是時。公於  
妻孥裘葛未嘗問也。先君子之喪。既除。公不復御講席。家塾  
教授。屬諸其季。過從之隙。時時杖策徜徉畦壟阡陌間。檢校  
種刈。若無意斯世者。豈各以其時耶。番禺許氏爲書院相嶺。  
延師其間。以處鄉之學者。又自稟若干人。然其季子往往從  
學於外。亦嘗來從余遊。因得侍公函丈之末。從先生遊者有  
許昌朝見罕雲



題公之餘論遺風或者竊有所聞矣。一日父子協謀開廬舍  
儲器用廣會集之堂增日晷之員介其鄉之賢者致禮以延  
公公却之再三請益固公爲一出桐嶺學者於是變而樂義  
理之言厭塲屋之陋士大夫閉風莫不願與參席自遠至者  
踵繫不絕興起甚衆然公年益高頗倦酬應未幾謝去越數  
歲安仁宰曾君文清孫也至則葺縣學增士稟修禮儀尊師  
道顧公主之公不復出矣淳熙丁未江西歲旱撫爲甚撫五  
邑金谿爲甚倉臺郡守留意賑恤別駕廖君實主之廖知其  
說莫善於鄉得其人莫不善於吏與其事造廬問公計策且  
屈公爲鄉官於北鄉之所得多忠信之士而吏不得制其權  
以年利明年賑糶行出粟受粟舉無異時之弊里閭熙熙不  
知爲歉歲而俗更以善公力爲多公平居泯然無異於人者

而智識滯。溪遇事始見。又其晦明之變。人所不解。當其晦時。重子所了。隸人所知。公或不辨。然特間見於燕閒視聽使令之間。未始害事。至事理之盤錯。情偽之隱伏。賢識趑趄。或用蹉跌。惟公之明如晝。素客有以名聞者。公援衣將見之矣。戶間偶目其貌。退而却衣曰。吾不欲見斯人也。已而果非佳士。凡此非獨人所不解。公亦有不能自知者。不以學自命。而就遠者。頗有憾志。不以智自多。而就謀者。頗有寤心。公之得於天者。如玉在山。如珠在淵。其可量哉。逆遜溺心。形似蔽實。微者過當。甚者易位。今之賢者。未易免此。惟公之明。好惡不能亂形。似不能蔽。大學曰。好而知其惡。惡而知其美者。天下鮮矣。故諺有之曰。人莫知其子之惡。莫知其苗之碩。公疇昔亟誦斯言。而屢歎其難。公之所以自致其力者。深矣。是書之

流行近世特盛然其靈足以造此者求諸其條未見如公者  
焉公壯年以呂氏次序大學章句猶有未安於是自爲次序  
今遠方學者傳錄沒廢吾家獨亡其業公之子長者年將四  
十乃不知父嘗有是書蓋自其省事惟見公正文講授故也  
公見善未嘗不喜而稱道不浮其實見惡未嘗不惡而指摘  
不加其罪兩益之辭無所和一切之論無所取疑似之跡不  
輕資流傳之事不輕據故人之所稱有所未詳人之所損有  
所不絕衆人所決發言盈庭公每低回以致裁抑憂世之士  
或病公首鼠不足以植風聲示勸懲而公隱然持之自若近  
年以文祭舊生徒劉堯夫頌其平日之美責其晚節之過謂  
改之冥冥尤足爲貴其辭深切著明讀者無不感動理之所  
存何間幽顯當疑而決當決而疑均爲不明也執謂公首鼠

哉公嘗名所居齋曰庸學者因號庸齋先生然公未嘗言其  
義學者亦未嘗有所請公著述頗多皆未編次生於宣和乙  
巳十有二月十有四日辛亥卒於紹熙辛亥十月十日乙酉  
享年六十有七卒之前一夕起旋小跌自是倦之然就枕即  
熟睡覺時醫者視脉家人進藥雖飲之必曰吾不起矣十日  
之朝侍疾者忽不聞鼻息察公則已逝矣娶吳氏子四人損  
之益之貴之升之女二人長先公二年卒未及許嫁次許嫁  
貴溪張氏孫男一人女三人卜以紹熙壬子七月十有三日  
葬于鄉之長慶寺側公以淳熙甲辰壽聖慶恩授迪功郎監  
潭州南嶽廟十六年己酉上登極覃恩進修職郎某效官重  
湖疾不視藥歛不撫棺葬不臨穴嗚呼痛哉敬次序公平生  
以表墓某聞命之日嘗請迎侍公曰子行矣吾往時當自訪

予計前數日從公於夢自是朔節必夢見公嗚呼痛哉東望  
隕涕爲之銘曰如珠游光可以照夜公之明也如玉儲潤可  
以賁山公之德也表公之墳與斯銘其長存  
江西人物志本傳云子昭舉進士率諸弟講學從遊者多有  
聞象山爲清安簿時子昭勉以書曰吾曹不可見戲度日視  
聽言動之際三千三百之微不可不察若只主張見在正恐  
道無時而備德無時而盛仁無時而熟云

陸梭山先生九韶

梭山先生先生第四兄也嘉靖撫州志本傳云九韶寬和凝  
重讀書必優游詠詠嘗曰學之要孝弟之外無餘道又曰義  
利易見惟義中之利隱而難明與閩朱熹相敬愛見其註釋  
太極圖說疑無極二字出老子非周子之言往復辯論嘗損

益其社倉法以濟鄉黨人甚德之築室前山兄弟講學其中  
山形如梭自號梭山老圃諸司列薦以居士應詔舉遺逸與  
弟九齡九淵天下稱爲三陸先生二弟沒詔獨後臨終自撰  
終禮篇戒不得銘墓生平所著有日紀類編經解新說及州  
郡圖家制文集凡三十五卷家制多行於世日紀中有居家  
正本及制用各二篇尤爲希聖希賢之本今附於後

其居家正本上篇云古者民生八歲入小學學禮樂射御書  
數至十五歲則各因其材而歸之四民故爲農工商賈者亦  
得入小學七年而後就其業其秀異者入大學而爲士教之  
德行凡小學大學之教俱不在言語文字故民皆有實行而  
無詐僞自井田廢壞民無所養幼者無小學之教長者無大  
學之師有國者設科取士其始也投名自薦其終也糊名考

校禮義廉耻。絕滅盡矣。學校之養士。非養之也。賊夫人之子也。父母之教子。非教之也。是驅而入爭奪傾險之域也。愚謂人之愛子。但當教之以孝弟忠信。所讀須先六經語孟。通曉大義。明父子君臣夫婦昆弟朋友之節。知正心修身齊家治國平天下之道。以事父母。以和兄弟。以睦族黨。以交朋友。以接鄰里。使不得罪於尊卑上下之際。次讀史。以知歷代興衰。充觀皇帝王霸與秦漢以來爲國者規模措置之方。此皆非難事。功效逐日可見。惟患不爲耳。世之教子者。不知務此。惟教以科舉之業。志在於薦舉登科。難莫難於此者。試觀一縣之間。應舉者幾人。而與薦者有幾。至於及第。尤其希罕。蓋是有命焉。非偶然也。此孟子所謂求在外者得之有命是也。至於止欲通經知古今修身爲孝弟忠信之人。特恐人不爲耳。

此孟子所謂求則得之求在我者也此有何難而人不爲耶  
况既通經知古今而欲應今之科舉亦無難者若命應仕宦  
必得之矣而又道德仁義在我以之事君臨民皆合義理豈  
不榮哉

其居家正本下篇云人孰不愛家愛子孫愛身然不克明愛  
之之道故終焉適以損之試請言其畧一家之事責於安寧  
和睦悠久也其道在於孝悌謙遜仁義之道口未嘗言之朝  
夕之所從事者名利也寢食之所思者名利也相聚而講究  
者取名利之方也言及於名利則洋洋然有喜色言及於孝  
悌仁義則淡然無味惟思臥幸其時數之遇則躍躍以喜小  
有阻意則躁悶若無容矣如其時數不偶則朝夕憂煎怨天  
尤人至於父子相夷兄弟叛散良可憫也豈非愛之適以損



之乎。夫謀利而遠者不百一。謀名而遠者不千一。今處世不能百年而乃徵幸於不百一。不千一之事。豈不痴甚矣哉。就使遠志臨政。不明仁義之道。亦何足爲門戶之光耶。愚溪思熟慮之日久矣。而不敢出諸口。今老矣。恐一旦先朝露而滅。不及與鄉曲父兄子弟語及於此。懷不滿之意於冥冥之中。無益也。故輒冒言之。幸垂聽而擇焉。夫事有本末。知愚賢不肖者。本貧富貴賤者。末也。得其本則末隨。趨其末則本末俱廢。此理之必然也。何謂得其本。則末隨。今行孝悌。本仁義。則爲賢。爲知。賢知之人。衆所尊仰。簞瓢爲奉。陋巷爲居。已固有以自樂。而人不敢以貧賤而輕之。豈非得其本而末自隨之。夫慕爵位。貪財利。則非賢。非知。非賢非知之人。人所鄙賤。雖紆青紫。懷金玉。其胸襟未必通曉義理。亦無以自樂。而人亦

莫不鄙賤之。豈非趨其末而本末俱廢乎。况貧富貴賤自有定分。富貴未必得。則將隕復而無以自處矣。斯言往往招人怒罵。然愚謂或有信之者。其爲益不細。雖怒罵有所不恤也。况相信者稍衆。則賢才自此而盛。又非小補矣。

其居家制用上篇云。古之爲國者。冢宰制國用。必於歲之秒。五穀皆入。然後制國用。用地大小視年之豐耗。三年耕必有一年之食。九年耕必有三年之食。以三十年之通制國用。雖有凶旱水溢。民無菜色。國既若是。家亦宜然。故凡家有四時。足以贖給者。亦當量入以爲出。然後用度有準。豐儉得中。怨端不生。子孫可守。今以田疇所收。除租稅及種蓋糞治之外。所有若干。以十分均之。留三分爲水旱不測之備。一分爲祭祀之用。六分分十二月之用。取一月合用之數。約爲三十分。

日用其一可餘而不可盡用。至七分爲得中。不及五分爲奢。其所餘者。別置簿收管。以爲伏臘裘葛修葺墻屋醫藥賓客。弔喪問疾。時節饋送。又有餘。則以周給鄰族之貧弱者。賢士之困窮者。佃人之饑寒者。過往之無聊者。毋以妄施。僧道蓋僧道本是蠹民。況今之僧道。無不豐足。施之適足以濟其嗜欲。長其過惡。而費農夫血汗勤勞所得之物。未必不增吾冥罪。果何福之有哉。其田疇不多。日用不能有餘。則一味節費。裘葛取諸蠶績。墻屋取諸蓄養。雜種蔬果。皆以助用。不可使過次日之物。一日侵過。無時可補。則便有破家之漸。當謹戒之。其有田少而用廣者。但當清心儉素。經營足食之路。於接待賓客。弔喪問疾。時節饋送。聚會飲食之事。一切不請。免至干求親舊。以滋過失。責望故索。以生怨尤。負諱通借。以招耻。

原家居如此方爲稱宜而遠吝侈之咎積建成俗豈能一家  
不憂水旱之災雖一縣一郡通天下皆無憂矣其利豈不博  
哉

其居家制用下篇云居家之病有七曰笑曰遊曰飲食曰上  
木曰爭訟曰玩好曰情技有一於此皆能破家其次貧薄而  
務周旋豐餘而尚節奇事雖不同其終之害或無以異但在  
遲速之間耳夫豐餘而不用者疑若無害也然已既豐餘則  
人望以周濟今乃忽然必失人之情既失人情則人不佑人  
惟恐其無隙苟有隙可乘則爭媒藥之雖其子孫亦懷不滿  
之意一旦入手若決隄破防矣前所言存留十之三者爲豐  
餘之多者制也苟所餘不能三分則有二分亦可又不能二  
分則存一分亦可又不能一分則宜撙節用度以存贏餘然

後家可長久。不然一旦有意外之事。必遂破家矣。前所謂一切不講者。非絕其事也。謂不能以貨財爲禮耳。如弔喪則以先往。後罷爲助。賓客則樵蘇供爨。清談而已。至如奉親最急也。啜菽飲水。盡其歡斯之謂孝。祭祀最嚴也。蔬食菜羹。足以致其敬。凡事皆然。則人固不我責。而我亦何歉哉。如此則禮不廢。而財不匱矣。前所言以其六分爲十二月之用。以一月合用之數。約爲三十分者。非謂必於其日用盡。但約見每月每日之大槩。其間用度。自爲贏縮。惟是不可先次侵過。恐難追補。宜先餘而後用。以無貽鄙吝之譏。世所用度。有何窮盡。蓋是未嘗立法。所以豐儉皆無準。則好豐者妄用以破家。好儉者多藏以斂怨。無法可依。必至於此。愚今考古經國之制。爲居家之法。隨資產之多寡。制用度之豐儉。合用萬錢者用

萬錢不謂之侈。合用百錢者用百錢不謂之吝。是取中可久之制也。

宋史儒林傳云。九韶字子美。其學淵粹。隱居山中。畫之言。行夜必書之。其家累世義居。一人最長者爲家長。一家之事聽命焉。歲僉子弟分任家事。凡田疇租稅出內庖爨賓客之事各有主者。九韶以訓戒之辭爲韻語。晨興家長率衆子弟謁先祠。畢擊鼓誦其辭。使列聽之。子弟有違家長會衆子弟責而訓之。不改則撻之。終不改度不可容。則言之官府。屏之遠方焉。所著有梭山文集。家制州郡圖。按朱子答梭山先生三書。今見朱子大全集。而梭山文集今逸不傳。其駁太極圖說之語止見於朱子答書及陸子與朱子往復辯駁書內。今附朱子答書於後。

朱子答梭山先生第一書云。伏承示論太極西銘之失。備悉指意。然二書之說。從前不敢輕議。非是從人脚根依他門戶。却是反覆看來。道理實是如此。別未有開口處。所以信之。不疑。而妄以已見。輒爲之說。正恐未能盡發其奧。而反以累之。豈敢自謂有扶掖之功哉。今詳來教。及省從前所論。却恐長者從初便忽其言。不曾致思。只以自家所見道理爲是。不知却元來未到他地位。而便以已意輕肆抵排也。今亦不暇細論。只如太極篇首一句。最是長者所沒排。然殊不知不言無極。則太極同於一物。而不足爲萬化之根本。不言太極。則無極淪於空寂。而不能爲萬化之根本。只此一句。便見其下語精密微妙無窮。而向下說許多道理。條貫脉終。井井不亂。只今便在目前。而亘古亘今。擲擲不破。只恐自家見得未曾如。

此分明直截。則其所可疑者。乃在此。而不在彼也。至於西銘之說。尤更分明。今亦且以首句論之。人之一身。固是父母所生。父母之所以爲父母者。即是乾坤。若以父母而言。則一物各一父母。若以乾坤而言。則萬物同一父母矣。萬物既同一父母。則吾體之所以爲體者。豈非天地之塞。吾性之所以爲性者。豈非天地之帥哉。古之君子。惟其見得道理真實如此。所以親親而仁民。仁民而愛物。推其所爲。以至於能以天下爲一家。中國爲一人。而非意之也。今若必爲人物只是父母所生。更與乾坤都無干涉。其所以有取於西銘者。但取其姑爲宏濶廣大之言。以形容仁體。而破有我之私而已。則是所謂仁體者。全是虛名。初無實體。而小己之私。却是實理。含有分別。聖賢於此。却初不見義理。只見利害。而妄以己意造作。



言語以增飾其所無。破壞其所有也。若果如此。則其立言之失。膠固二字。豈足以盡之。而又何足以破人之桎於一己之私哉。大抵古之聖賢。千言萬語。只是要人明得此理。此理既明。則不務立論。而所言無非義理之言。不務正行。而所行無非義理之實。無有初無此理。而姑爲此以救時俗之弊者。不知子靜相會。曾以此話子細商量否。近見其所論王通續經之說。似亦未免此病也。此間近日絕難得江西便草草布此。託子靜轉致。但以來書半年。方達推之。未知何時可到耳。如有未當切幸。痛與指摘。剖析見教。理至之言。不得不服也。其第二書云。前書示論太極西銘之說。反覆詳盡。然此恐未必生於氣質之偏。但是急迫看人文字。未及盡彼之情。而欲遽申己意。是以輕於立論。徒爲多說。而未必果當於理。爾且

如太極之說。蓋謂周先生之意。恐學者錯認太極。別爲一物。於著無極二字以明之。此其推原前賢立言之本意。所以不厭重複。蓋有深指。而末論便謂。蓋以太極下同一物。是則非惟不盡周先生之妙旨。而於蓋之淺陋妄說。亦未察其情矣。又謂著無極字。便有虛無好高之弊。則未知尊兄所謂太極。是有形器之物耶。無形器之物耶。若果無形。而但有理。則無極即是無形。太極即是有理明矣。又安得爲虛無而好高乎。蓋所論西銘之意。正謂長者以橫渠之言。不當謂乾坤實爲父母。而以膠固片之故。竊疑之。以爲若如長者之意。則是爲人物實無所資於天地。恐有所未安爾。非蓋本說固欲如此也。今詳來誨。以橫渠只是假借之言。而未察父母之與乾坤。雖其分之有殊。而初未嘗有二體。但其分之殊。則又不得而

不辯也。燕之愚陋。顧其兄更於三家之言。少賜反復。寬心游意。必使於其所說。如出於吾之所爲者。而無纖芥之疑。然後可以發言立論。而斷其可否。則其爲辯也不煩。而理之所在。無不得矣。若一以急迫之意求之。則於察理已不能精。而於彼之情又不詳盡。則徒爲紛紛。而雖欲不差。不可得矣。然只此急迫。即是來論所謂氣質之弊。蓋所論之差處。雖不在此。然其所以差者。則原於此。而不可誣矣。不審尊意。以爲如何。子靜歸來。必朝夕得款聚。前書所謂異論。卒不能合者。當已有定說矣。恨不得側聽其旁。時效管窺。以求切磋之益也。廷平新本龜山別錄。漫內一通。近又嘗作一小卜筮書。亦以附呈。蓋緣近世說易者。於象數全然畧濶。其不然者。又太拘滯支離。不可究詰。故推本聖人經傳中說象數者。只此數條。

以意推之。以爲是足以上究聖人作易之本指。下濟生人觀  
變玩占之實用。學易者決不可以不知。而凡說象數之過乎  
此者。皆可以束之高閣。而不必問矣。不審尊意以爲如何。  
其第三書云。示論縷縷。備悉雅意。不可則止。正當謹如來教。  
不敢復有虛瀆也。偶至武夷。匆匆布敘。不能盡所欲言。然大  
者已不敢言。則亦無可言者云云。蓋梭山先生性情和粹。不  
欲競辯。故斷來章也。

按太極圖。即無極圖。而小變其說。實出道家。非周子所作。  
本朝朱檢討。蔡尊作太極圖授受考云。自漢以來。諸儒言  
易。莫有及太極圖者。惟道家者流。有上方大洞真元妙經。  
著太極三五之說。唐開元中。明皇爲製序。而東蜀衛淇注。  
玉清無極洞仙經。衍有無極太極諸圖。按陳子昂感遇詩。

云太極生天地三元更廢興。至精諒斯在三五誰能徵。三元本律曆志陰陽至精之數三五本魏伯陽參同契要之太極圖說唐之君臣已先知之矣。陳搏居華山曾以無極圖刊諸石爲圖者四位五行其中自下而上初一曰元氣之門次二曰煉精化氣煉氣化神次三五行定位曰五氣朝元次四陰陽配合取坎填離最上曰煉神還虛復歸無極故謂之無極圖乃方士修煉之術耳相傳搏受之呂鼎。呂受之鍾離權權得其說於伯陽伯陽聞其旨於河上公。在道家未嘗謂爲千聖不傳之秘也。元公取而轉易之亦爲圖者四位五行其中自上而下最上曰無極而太極次二陰陽配合曰陽動陰靜次三五行定位曰五行各一其性次四曰乾道成男坤道成女最下曰化生萬物更名之。

曰太極圖仍不沒無極之旨。由是諸儒推演其說。南軒張氏謂元公自得之妙。蓋以手授二程先生者。自孟氏以來。未之有也。晦菴朱子謂先生之學。其妙具於太極一圖。山陽度正作元公年表。書慶曆六年。知虔州興國縣。程公珣作南安。因與先生爲友。令二子師之。時明道年十五。伊川年十四。爾其後先生作太極圖。獨手授之。他莫得而聞焉。次是年。元公以轉運使王遠薦。移知郴縣。自是而後。二程子未聞與元公覲面。然則從何地手授乎。伊川撰明道行狀云。先生爲學。自十五六時。聞汝南周茂叔論道。遂原科舉之業。慨然有求道之志。未知其要。泛濫於諸家。出入於老釋者。幾十年。反求諸六經。而後得之。繹其文旨。似乎未受業於元公者。不然。何以求道未知其要。復出入於老釋。

也耶。潛與嗣志元公墓。亦不及二程子從遊事。明道之卒。其弟子友朋。若范淳夫。朱公掞。邢和叔。游定夫。敘其行事。皆不言其以元公爲師。惟劉斯立。謂從周茂叔問學。斯猶孔子問禮於老子。問樂於萇。弘問官於邾子云然。蓋與受業有間矣。呂與叔東見錄。則有昔受學於周茂叔之語。然弟子稱師。無直呼其字者。而遺書凡司馬君實。張子厚。邵堯夫。皆目之曰先生。惟元公直呼其字。至以窮禪客目元公。尤非弟子義所當出。且元公初名惇。實後避英宗諱。卽嫌名改惇。願夫既以學傳伊川矣。不應下同其名。而伊川亦不引避。昔朱子表程正思墓。稱其名下字同周程。亟請其父而更焉。執謂二程子而智反出。正思下哉。此皆事之可疑者。檢討之論如此。亦可知太極圖說之不足信矣。至

其理之未安。則詳見於陸子與朱子書。今已附於友教條內。

嚴松嘗問梭山云。有問松孟子說諸侯以王道是行王道以  
年周室行王道以得天位。當如何對。梭山云。得天位。松曰。却  
如何解。後世疑孟子教諸侯篡奪之罪。梭山云。民爲貴。社稷  
次之。君爲輕。先生再三稱歎曰。家兄平日無此議論。良久曰。  
竊古以來無此議論。松曰。伯夷不見此理。先生亦云。松又云。  
武王見得此理。先生曰。伏羲以來皆見此理。  
包顯道錄先生語。因言居士極不喜狂者。云最敗風俗。只喜  
狷者。故自號又次居士。先生云。此言亦有味。

陸文遠公九齡

文遠公先生第五兄也。先生年譜稱其少有大志。浩博無涯。



決。嘗。與。鄉。舉。補。入。太。學。已。負。重。名。登。進。士。第。授。桂。陽。教。授。以。不。便。迎。侍。不。赴。改。興。國。未。滿。丁。艱。服。除。授。全。州。教。授。未。上。本。呂。成。公。祖。謙。銘。其。墓。云。先。生。諱。九。齡。字。子。壽。幼。明。悟。端。重。十。年。喪。母。哀。毀。如。成。人。少。長。補。郡。博。士。弟。子。員。時。泰。丞。相。當。國。塲。屋。無。道。程。氏。學。者。先。生。從。故。編。得。其。說。獨。委。心。焉。久。之。新。博。士。且。至。聞。其。雅。以。魏。晉。放。逸。自。許。慨。然。歎。曰。此。非。吾。所。願。學。也。賦。詩。徑。歸。結。茅。舍。傍。講。習。晝。夜。不。怠。先。生。年。猶。未。冠。於。取。舍。向。背。已。知。所。擇。如。此。吏。部。郎。襄。陵。許。公。忻。直。道。清。節。在。中。朝。名。論。甚。高。屏。居。臨。川。閉。門。少。所。賓。接。一。見。先。生。亟。折。軀。行。與。溪。語。恨。相。遇。之。晚。他。日。許。公。起。守。邵。陽。思。與。先。生。游。先。生。亦。樂。從。其。招。凡。治。體。之。升。降。舊。章。之。損。益。前。聞。人。之。律。度。執。轍。每。臺。臺。爲。先。生。言。不。厭。所。以。屬。之。者。厚。矣。既。歸。益。大。

肆其力於學。廣覽博咨。溪觀默養。如是者蓋十餘年。乃束書入太學。太學知名士。聞聲爭願交。始則樂其可親。久則知其可事。屏所挾北面。而稱弟子者甚衆。祭酒司業酌衆論舉以爲學錄。先之以身正之。以漸行之。以無事。雖跌宕見譏。譙者退亦心服。不知怨之所在焉。登乾道五年進士第。授迪功郎。桂陽軍軍學教授。以母老道遠。改調興國軍軍學教授。地瀕大江。民寒瘠。罕游校宮。先生不以職閒自佚。端架簞蕭衣冠。如臨大衆。勸綏引翼。士方興於學。而先生以家難去官矣。服除。調全州州學教授。未上。以疾終於家。實淳熙七年戊寅。享年四十有九。母饒氏。繼母鄧氏。用光克虔壽恩。封太孺人。娶王氏。知通州城之女。而元豐左丞之曾孫也。子良之。女二人。皆幼。是歲十二月甲申。葬於鄉之萬石塘。初居士潛德不試。

采司馬氏冠昏喪祭儀行之家。至先生又繹先志而修明之。晨昏伏臘奉盥請祗觴豆饌。閨門千指男女以班。各供其職。儉而安莊而舒。薄而均。禮俗既成。僇者不敢肆。厲朴者有所據。依順弟之風。被於鄉社。而聞於天下。其儀節品式。江西士大夫多能道之。至於先生忠敬樂易。優而柔之。曲而暢之。遂濟登茲者。則非言語形容之所及矣。先生兄弟皆志古嗜學。燕居從容。講論道義。問問衍衍。和而不同。伯仲之間。自爲師友。雖先生所以成德。其資取者非一端。然家庭追琢封植之功。與爲多焉。休暇則與子弟適場圃。習射。曰。是故君子之事也。自是里中士始不敢鄙弓矢爲武夫末藝。值歲惡多剽劫。或欲睥睨垣墻。曹耦必握手相戒。是家射多命中。毋取死。故獨無犬吠之警。廬陵嘗有茶寇。聲搖旁郡。聚落皆入保。並

舍民走郡請先生主之。郡如其請。門下人多不悅。先生曰。古者比閭之長。五兩之率也。士而耻此。則豪俠武斷者專之矣。今文移動以軍興從事。郡縣欲事之。勢必假借主者。彼乘是取必於里閭。亦何所不至哉。寇雖不入境。閑習屯禦皆可。後法其在興國。學廩名存實亡。簿書漫漶不可考。先生爲實。能理受輸之法。白郡授有司行之。科條簡明。士得其養。凡經世之務。職分所當知者。未有聞而不講。講而不究。此一二條特因事而見者耳。先生和順不違物。而非意自不能干。簡直不徇人。而與居久。益有味。四方學者踵門請益。羣疑塞胸。糾纏纏轡。雖善辯者不能解。先生從容啓告。莫不渙然釋其疑。而退非惟動悟乎格。固有所本。亦其用力於自治者既專。且久。人之疾疾皆嘗折肱。浮湛滑濇。適中其病。聽之者於

其心有戚戚焉。至於杆格不入。必寬養以俟其可。而雜施之也。天下之治方術者多矣。固於異端小道者。既不  
足與議。晚進新學。間有聞君子之餘論者。又多能其文而不  
既其實。摹規而畫圓。擬矩而作方。雖或似之。而卒非也。方先  
生勇於求道之時。憤排直前。蓋有不由階序者矣。然其所志  
者。大所擇者。實有肯綮之阻。雖積九仞之功。不敢遂毫釐之  
偏。雖立萬夫之表。不敢安公聽並觀。却立四顧。弗造於至平  
至粹之地。弗措也。屬續之夕。與其昆弟語。猶以天下學術人  
才爲念。少焉正臥。整衣衾。理鬚髯。恬然而終。所謂仁以爲已  
任死而後已者。蓋於此見。荊州牧廣漢張公。杖與先生不相  
識。晚歲還書。相與講學。問大端。期以世道之重。無幾何而張  
公沒。又半歲而先生下世矣。豈道之顯晦。果有數存乎其間。

耶。雖然來者無窮而義理之在人心者不可泯也。先生之志必有嗣之者矣。葬有日其友呂某爲銘二十九字識其寔曰。自古皆有死。盡其道而終者幾希。是維宋陸先生之墓。百世之下尚永保之。

按呂成公集與人書及銘墓文甚多。唯銘先生墓稱爲陸先生推崇甚至。所敘事實多本於陸子所爲行狀。其遺而表敎入者。今附於後。

陸子作敎授陸公行狀畧云。先考居士君賀六子先生。爲第五子。生而穎悟。能步趨。則容止有法。五歲入學。同學年長。論倍者所爲。盡能爲之。讀書因析義趣。十三應進士舉。爲文優賔。有理致。老成數異。年十六遊郡庠。每課試必居上游。時方擯程氏學。先生獨尊其說。郡博士徐君嘉言高年好修。留意

學校間日獨行訪諸齊先生侍諸兄衣冠講論未嘗懈弛由  
是徐君雅相敬禮。明年徐君物故。又明年新博士將至。先生  
聞其嗜黃老言。脫畧儀檢。慨歎不樂賦詩見志。歸葺茅齋。從  
父兄讀書講古。間出見故老先達。所咨叩皆不苟。時居士君  
欲悉傳家政。平日紀綱儀節。更加槩括。使後可久。先生多與  
裁評。先生至臨江。郡守鄧君子延先生於學。臨江士人皆樂  
親之。居半歲乃歸。越數年。郡博士苗君昌言復延先生於學。  
從遊者益衆。苗自謂平生所尊賞者不苟。至其所以禮先生  
者。特異人。亦以是信之。其與先生。啓有云。文辭近古。有退之  
子厚之風。道學追微。得子思孟子之旨。推尊蓋如此。先生覽  
書無滯礙。繙閱百家。晝夜無倦。於陰陽星曆五行卜筮靡不  
通曉。性周謹。不肯苟簡。涉獵所習。必極精詳。歲在己卯。始與

舉送同郡官中都者。適有二人皆先進知名士。閱貢籍見先生姓名。相顧喜曰。吾州今乃可謂得人矣。庚辰春。官試不利。辛巳。補入太學校。端明汪公實爲司業。月試輒居上游。場屋之文。大抵追時好。拘程度。不復求至當。惟先生之文。據經明理。未嘗屈其意。嘗有先進以是病之。先生曰。是不可改。先生寬裕平直。人皆樂親。久愈敬愛。學校知名士。無不師尊之。明年丁居士君憂。乙酉。升補內舍。丙戌。爲學錄。學校綱紀日肅。弊無巨細。皆次第革之。人不駭異。嘗有小戾。規矩者。先生以正。遇之無假借。後或以先生問其人。顧稱先生之德。不以爲怨。丁亥。升補上舍。戊子。館於婺女之張氏。先生授其子以中庸大學。其父老矣。每偶坐拱手與聽講授。且曰。不自意晚得聞此。張君之死。其子葬以古禮。不用浮屠氏。己丑。登進士第。



校史功郎桂陽軍軍學教授。壬辰當赴。迂吏且至。時太孺人  
問親藥餌。先生以桂陽道遠。風物不類江鄉。難於迎侍。陳乞  
不赴。甲午。校與國軍軍學教授。明年夏。湖之南有寇。侵軼將  
及郡境。先是建炎虜寇之至。先生族子諤嘗起義應募。是後  
寇懷相次犯州境。諤皆被檄保聚捍禦。往往能却敵。州里賴  
焉。至是諤已死。舊部伍願先生主之。以請於郡。時先生適在  
信之鉛山。聞警報亟歸。抵家。請者已盈門。却之不去。日益衆。  
先生與兄弟門人論所以宜從之義。甚悉。會郡符已下。先生  
將許之。或者不悅。謂先生曰。先生海內儒宗。蹈履規矩。講授  
經術。一旦乃欲爲武夫所爲。衛靈公問陳於孔子。孔子不答。  
今先生欲身爲之乎。先生曰。男子生以弧矢。長不能射。則辭  
以疾。文事武備。初不可析。衛靈公家國無道。三綱將淪。既見

夫子。非哲人是尊。社稷是計。而猥至問陣。其顛荒甚矣。故夫子答以俎豆。而遂行。夾谷之會。三都之墮。討齊之請。夫子豈不知兵者。其爲委吏。乘田。則會計當。牛羊茁壯長。使靈公捨戰陣。而問會計。收養之事。則將還言之乎。執此而謂夫子誠不知軍旅之事。則亦難與言理矣。或者又曰。禮別嫌疑。事有宜稱。使先生當方面。受邊寄。誰復敢議此。閭里猥事。何足以累先生。今鄉黨自好者。不願尸此。尸此者。必豪俠武斷者也。今先生尸之人。其謂何。先生曰。子之心殆未廣也。使自好者不尸此。而豪俠武斷者。卒尸此。是時之不幸也。子亦將願之乎。事之宜稱。當觀其實。假令寇終不至。郡縣防禦之計。亦不可已。是社之初。大率應募。非有成法。主者或非其人。乘時取必於閭里。何所不至。是其爲慘。蓋不必寇之來也。有如寇至。

是等皆不可用。無補守禦。因爲剽劫。仁者忍視之哉。彼之所  
以必諉我者。爲其有以易此也。吾固以許之爲宜。或者又曰。  
曾子之在魯。冠至則先去。冠退則曰。修我牆屋。我將反。爲其  
爲師也。今先生居於鄉。有師儒之素。命於朝。爲師儒之官。而  
又欲尸此。無乃與曾子異乎。先生曰。吾居鄉。講授自窮約之  
分。吾求仕爲祿養。今之官。乃吏按銓格而與之耳。曷乎曾子  
之爲師也。今又遲次居鄉。老母年且八十。家累過百。冠未至。  
先去之。固今郡縣所禁。比至而去。必不達。剽劫蹂躪。狼狽流  
離之禍。往往不可免。去固不可。藉令可去。扶八九十老者。從  
以千餘指。去將焉之。子欲使吾自附於分位不同之曾子。而  
甘家之禍。忍鄉之毒。縮手於所可得爲之事。此奚啻螳溺不  
援者哉。或者乃謝不及。先生於是始報郡符許之已。而調度

有方備禦有實冠雖不至而郡縣倚以爲重丙申夏四月到任先生於事無大小處之未嘗不盡其誠於人無衆寡待之未嘗不盡其敬富川卑僻絃誦希澗士人在學校者無幾先生蒞職舉措謹重規模雅正誠意孚達士人莫不感動興起先生方將收拾茂異而遠近願來親依者且衆富川學廩素薄又負逋不輸歲入僅六百石而比年不輸者乃七八百石民未必盡負姦吏點徒乾沒其間簿書綠絕莫可稽證先生爲覈實條理受輸之法甚簡而便白郡行之於是無文移之繁無追督之擾簿書以正負者樂輸儲廩充裕士人至者日衆不滿歲丁太孺人憂去職在富川者莫不惋惜已亥四月服闋冬末到選庚子春授全州州學教授夏中得寒熱之疾繼以脾泄屢止屢作竟不可療九月二十有九日卒先生雖

臥病見賓客必衣冠舉動纖悉皆有節法卒之日展興坐於  
牀問疾者皆與語幼者人人有所訓誨談笑歡如也先生未  
嘗不以天下學術人才為念病中言論每每在此是日言之  
尤詳夜稍久則正臥整衣衾理鬚髯摩手腹間不復言笑又  
數刻而逝先生道德之粹繫天下之望曾未及施一疾不起  
識與不識莫不痛惜先生少有大志而溪純浩博無涯涘可  
見親之者無智愚賢否皆不覺敬愛慰釋稱其善者往往各  
以所見未嘗同也不區區撫摩而蕩然慈祥惻怛之風有以  
消爭訟隙不斷斷刻畫而昭然修潔清白之實足以澄汗律  
慢趨尚高古而能處俗辯析精微而能容愚一行一言  
之得雖在巫醫卜祝農圃藏獲亦加重敬珍愛自少以聖賢  
為師其於釋老之學辯之益矣然其徒苟有一善亦所不廢

故先生不棄人。而人於先生亦鮮有不獲自盡者。與人言未嘗遽免。從容敷析。本末洞徹。質疑請益者。其不得所欲而去。於人言行之失度。未可與語。則不發。或者疑之。先生曰。人之惑固。有難以口舌畢者。言之數適以固其意。少需之。未必不自悟也。杆格忤狠之氣。當消之。不當起之。責善固朋友之道。聖人猶曰。不可則止。况泛然之交者乎。又况有親愛之情者乎。雖朋友商確。至不可必通處。非大害義理。與其求伸而傷交道。不若姑待以全交道。且事有輕重大小。吾懼所益者小。所傷者大。所爭者輕。所喪者重。故也。然有時而遽言之。盡言之。力言之者。蓋權之以其事。權之以其人。權之以其時也。暨王氏觀公曾孫通州使君城之長女也。通州君亦以是年八月卒。先生臥病。聞訃。制服成禮。遽遣祭。纖悉皆自經畫。先生

未及著書。若窮屋之文。與朋友往來論學之書。則傳錄者頗衆。其餘雜著。古律詩。墓誌。書啓。序跋。等門人方且編次。將以十二月乙酉。葬於鄉萬石塘。謹書其行實之大槩。以求誌於當世之君子。淳熙七年十一月既望。弟某狀。

按宋史本傳。大概俱本行狀及墓誌。其不本於二文者。惟寶慶二年。特贈朝奉郎直秘閣。賜諡文達。九齡嘗繼其父志。益修禮學治家。有法。閨門百口。男女以班。各供其職。閨門之內。嚴若朝廷。而忠敬樂易。鄉人化之。皆遜弟焉。與弟九淵相爲師友。和而不同。學者號二陸云。又按文達公之卒。朱子傷之甚切。其與呂伯恭第八十六書云。陸子毒復爲古人。可痛可傷。不知今年是何氣數。而吾黨不利如此。蓋是年張南軒亦先卒也。其與伯恭第八十九書云。子毒

云已。溪可痛惜。近遣人辭之。吾道不振。此天也。奈何奈何。其第九十書云。子壽之亡。極可痛惜。誠如所喻。近得子靜書云。已求銘於門下。屬熹書之。此不敢辭。蓋其反覆勤拳如此。朱子於南軒身後。雖無不足之辭。於其遺集。猶有取。舍若伯恭則間有譏議。惟文達公則粹然無間言。其待文達。蓋在張呂之上。今張呂二公俱從祀孔廟。而文達祀典猶虛。必有論而定之者矣。

朱子文集有祭先生文云。學匪私說。惟道是求。苟誠心而擇善。雖異序以同流。如我與兄。少不並遊。蓋一生而再見。遂傾倒以綢繆。念昔鵝湖之下。實云識面之初。兄命駕而鼎來。載季氏而與俱。出新篇以示我。意懇懇而無餘。厭世學之支離。新易簡之規模。顧予聞之淺陋。中獨疑而未安。始聽瑩於胸。



次辛紛纒乎談端。徐度兄之不可遽以辯屈。又知兄必將反而深觀。逡巡而旋反。悵猶豫而盤旋。別來幾時。兄以書來。審前說之未定。曰。予言之可懷。遠于辭官而未獲。停驂道左之僧齋。兄乃枉駕而來。教相與極論。而無猜。自是以還。遁合志同。何風流而雲散。乃一西而一東。蓋曠歲以索居。僅尺書之兩通。期杖屨之枉顧。或未滿乎予求。屬者乃聞兄病在牀。亟函書而問訊。併藥糞而將將。曾往使之未返。何來音之不得。驚失聲而隕涕。沾于袂以淋漓。嗚呼。今茲之歲。非龍非蛇。何獨賢人之不淑。屢與吾黨之深嗟。惟兄德之尤粹。儼中正而無邪。至其降心以從善。又豈有一毫騎客之私耶。嗚呼。哀哉。兄則已矣。此心實存。炯然叅倚。可覺情昏。孰泄于衷。一慟寢門。絨辭千里。備此一尊。

按朱子祭陸文達公既云志同道合。又先之以前說未定。予言可懷。似文達晚從朱子之說。然嚴松記陸子語云。先兄復齋臨終言。比來見得子靜之學。甚明。恨不及更相與切磋。見此道之大明。是文達文安之學。始終無異同也。此豈朱子與文安各引文達以爲重。必其學實相同耳。三君子者。固皆不妄語者也。文達既與朱子志同道合。又與文安始終無異。是朱陸之學。實無同異也。其彼此未能相信。實由兩家門人傳語之誤。而後人又逞其褊心。必欲岐而二之耳。無論陳建輩猖狂妄論。如近日張清恪改薛方山考亭淵源錄。爲伊洛淵源續錄。去同父止齋二陳。併去三陸。文安無異同。猶不可去。乃併去志同道合之文達。朱子有知。必不以爲然矣。

淳熙二年乙未。文達文安二公赴呂伯恭鵝湖之約。嚴松錄  
象山先生語云。先兄復齋謂某曰。伯恭約元晦爲此集。正爲  
學術異同。某兄弟先自不同。何以望鵝湖之同。先生遂與某  
議論致辯。又令某自說。至晚罷。先生云。子靜之說是。次早某  
請先兄說。先兄云。某無說。夜來思之。子靜之說極是。方得一  
詩云。孩提知愛長知欽。古聖相傳只此心。大抵有基方築室。  
未聞無址忽成岑。留心傳註翻榛塞。著意精微轉陸沉。珍重  
友朋相切琢。須知至樂在于今。某云。詩甚佳。但第二句微有  
未安。先兄云。說得恁地。又道未安。更要如何。某云。不妨一面  
起行。某沿途却和此詩。及至鵝湖。伯恭首問先兄別後新功。  
先兄舉詩纔四句。元晦顧伯恭曰。子壽早已上子靜船了也。  
舉詩罷。遂致辯於先兄。某云。途中某和得家兄此詩云。松

興哀宗廟欽斯人千古不磨心涓流積至滄海水拳石崇成  
泰華岑易簡功夫終久大支難事業竟浮沉舉詩至此元晦  
失色至欲知自下升高處真偽先須辨只今元晦大不憚於  
是各休息翌日二公商量數十折議論來其不悉破其說繼  
日凡致辯其說隨屈伯恭甚有虛心相聽之意竟爲元晦所  
屈元晦歸後三年乃和前詩云德業流風夙所欽別離三載  
更關心偶舊衣杖出寒谷又枉籃輿度遠岑舊學商量加遠  
密新知培養轉深沉只愁說到無言處不信人間有古今後  
信州守楊汝鵠延四先生祠堂於鵠湖寺勸陸子詩於石復  
齋與張欽夫書云某春來會元晦於鉛山語三日然皆未能  
無疑按呂成公譜乙未四月訪朱文公於信之鵠湖寺陸子  
靜子壽劉子澄及江浙諸友皆會留止旬日

朱子道書云。鵝湖講道。切誠當今盛事。伯恭蓋慮陸與朱議  
論。猶有異同。欲會歸於一。而定其所適從。其意甚善。伯恭蓋  
有志於此。語自樸則未也。臨川趙守景明。邀劉子澄。趙景昭  
在臨安。與先生相款。亦有意於學。又云。鵝湖之會。論及教人。  
元晦之意。欲令人泛觀博覽。而後歸之約。二陸之意。欲先發  
明人之本心。而後使之博覽。朱以陸之教人。爲太簡。陸以朱  
之教人。爲支離。此頗不合。先生更欲與元晦辯。以爲堯舜之  
前。何書可讀。復登止之。趙劉諸公拱聽而已。先生明之說。未  
可厚証。元晦見二詩。不平。似不能無我。元晦書云。某未聞道  
學之藝。茲幸獲奉餘論。所恨匆匆。別去。彼此之懷。皆若有未  
既者。然而警切之語。佩服不敢忘也。還家無便。寫此少見。奉  
奉嘉定間。撫州守高商老刊復齋先生文集於郡治。自爲之

序先生以復名齋。故學者稱復齋先生。

張南軒集有答陸子壽書云。杖聞昆弟之賢有年矣。近歲得之爲尤詳。每懷願見以共講益。眇然相望而未克遠向往可知。忽辱枉教。三復辭義。有感於中。第惟孤陋不足以當盛意也。然而不敢以虛來貺。謹學不可以不精也。毫釐之差則其弊有不可勝言者矣。故夫專於攷索則有遺本溺心之患。而篤於高遠則有躐等憑虛之憂。二者皆其弊也。考聖人之教人固不越乎致知力行之大端。患在人不知所用力耳。莫非致知也。日用之間。事之所遇。物之所觸。思之所起。以至於讀書攷古。苟知所用力。則莫非吾格物之妙也。其爲力行也。豈但見於孝悌之所發。形於事而後爲行乎。自思養存以至於三千三百之間。皆合內外之實也。行之力。則知愈進。知之

疾則行愈達。區區誠有見乎此也。如箋註詁訓學者雖不可使之溺乎此。又不可使之忽乎此。要當昭示以用功之實。而不忽乎細微之間。使之免溺心之病。而無躐等之失。涵濡浸漬。知所用力。則其非實事也。凡左右之言。皆道其用力之實也。故樂以復焉。聖上聰明不世出。真難逢之會。所恨臣下未有以仰稱明意。大抵後世致君澤民之事業。不大見於天下者。皆吾講學不精之罪。故區區每願從世之賢者。相與切磋究之。而盛意之辱。欣幸至於再三也。元晦卓然特立。其志不之友也。然作別十餘年矣。書問往來。終豈若會面之得盡其底裏哉。伯恭一病終未全復。深可念。向來坐枉費心思。多耳心之精微。書莫能究。布復草草。正惟亮之。

徐樸堃集有復齊陸先生贊云。先生名九齡。字子壽。臨川人。

舉進士第。講明斯道。以授學者。詳瑣和緩。俾之有優游自得之功。與弟象山先生同稱於時。嘗會晦菴東萊於鵝湖。蘭若相與辯論。旨歸迄今。祠像在焉。謚文達。贊曰。德積於中。一襟和氣。學雖精。深論不乖。異於道有功。韓韓常棣。區區機雲。徒文而已。

袁蒙齋集有四先生贊。其贊復齋先生云。復齋之德。碩大以寬。其德如風。其具如蘭。弟兄琢磨。惟義所安。此意寂寞。令我心敬。又題其後云。某既贊四先生之盛德矣。復有誤聞。願畢其說。以與同志共之。世謂鵝湖之集。諸老先生論議未能悉同。以是妄加揣摩。其失遠矣。夫子嘗曰。君子而不同。不同乃所以爲和。不斲於合。乃所以爲一致也。天生英賢。扶植斯道。忘君愛親。敬長一性。靈明與天地竝。亘萬古不可磨滅者。



或入之也。漸或爲之也。勇勇非無漸而漸非不勇也。顧其所由之門然耳。鵠湖之集誰得而議其異哉。君子講學既切之又磋之。既琢之又磨之。反覆辨明。惟求一是。若慮其不相合。心非而口然之。此乃淺丈夫之所爲耳。何足以窺諸老先生之門墻耶。

陸山堂先生煥之

陸煥之從政公九思子。即與先生同歲生。而從政令田婦乳之。留其母之乳以乳先生者也。煥之學行甚高。屢舉於鄉。不第。未及出仕。而學者尊之曰山堂先生。會稽陸放翁游與先生同遠祖。年長煥之二歲。其爲煥之墓誌銘亦尊稱以先生云。陸氏之遺譜曰。漢太中大夫貢生仕爲豫章都尉。葬於吳胥屏亭。始爲吳人。至晉侍中贈太尉玩生始始生萬載萬載。

生子貞子貞生惠徽徽生開開生貌貌生正公正公生探探  
生山仁山仁生系之系之生元生元生生景融景融後四世  
曰文公希聲仕唐爲戶部侍郎同中書門下平章事文公生  
崇崇生德還猶居吳遭唐季之亂始遷家撫州之金谿德還  
生有程有程生演演生處士諱戡配曰周氏處士生贈宣牧  
郎諱賀配曰孺人饒氏宣牧生從政郎諱九思配曰孺人賜  
冠幘彭氏從政生山堂先生諱煥之字伯章一字伯政生而  
穎異端重五歲入家塾坐立語默悉有常度讀書自能質問  
出長者意求與率父象山先生九淵生同年學同時先生不  
敢以年均仰率父象山則朋友視之磨礪浸漬甚至十三學  
爲進士即有聲十六諸父開以大學先生一聞輒窮深造微  
極其指趣而文章機杼自成一家宿士見之多自貶以爲不

可及。屢貢禮部。皆不合。學益成。文章益奇。憫世學多淪於異端。尤務自拔出。以張吾道。意所不可。雖名儒顧人爲時所宗者。必力斥之。恨力之不足也。諸父雖繼以進士起家。亦不用於時。象山晚爲朝士。陸陸百家底旋復斥死。先生滋信其道之。益將退耕於野。著書傳世。而未及也。以嘉定三年十月戊子卒。年六十有四。諸孤以是年十二月乙酉葬先生于某鄉之福林。娶陳氏。鄱陽人。有賢行。先十八年卒。子男三。洽。族。浹。洽篤於孝。先生出遊。賴以經理家事。無後憂。游太學。有爲才而器用淵粹。可喜。浹方就學。女五。頂點。朱日邁。鄧文子其壻也。皆士餘。二尚處。先生葬日。追幽隧之銘。未刻。既葬二年。諸以先生之友。晁君百談之狀來請銘。某以既嘗序先生文章。所謂山堂集者。而先生多明遊。不應併以銘見屬。因辭。

焉連三年請益勤乃敘而銘之銘曰陸姓入漢祖好時兮追  
及豫章始南徙兮吳晉至唐世見史兮斷自文公三百祀兮  
傳世八九皆可紀兮雖不公卿世爲士兮後乃沒大名實偉  
兮培養既久產杞梓兮維時伯章繼以起兮白首篤學未見  
止兮攘斥異端正而不詭兮天不少留使耄齒兮伯章之志  
在其子兮我銘於隧亦以誄兮子藩有傳

陸安撫持之弟指之

宋史本傳云陸持之字伯微知荆門軍九淵之子也七歲能  
爲文九淵校徒象山之上學者數百人有未達持之爲教釋  
之荆門郡治火持之倉卒指授中程九淵器之韓侂冑將用  
兵持之憂時不憚乃歷聘時賢將以告見徐誼於九江時議  
防江持之請擇僚吏察地形孰險而守孰易而戰孰隘而伏

陸子學詩。母專為江守。具言自古興事。達業非有學以輔之。往往寧。血氣盛衰。為銳情。故三國兩晉諸賢。多以盛年成功。名公更天下事。變多矣。未舉一事。而朝思夕惟利害。先入於中。愚恐其為之難也。誼慨然。又之邪。謁薛叔似。項安世之荆。謁吳佩孚。欲留之。尊皆謝歸。著書十篇。名懇說。嘉定三年。試江西轉運司。預選常平使。東。薦於朝。謂持之議論下。為空言。緩急有可倚仗。不報。豫章建東湖書院。連帥以書幣。招起持之。長之嘉定十六年。宰宗特詔持之。秘書省讀書。固辭不獲。既至。又詔以廸功郎入省。乞歸。不許。理宗即位。轉修職郎。出。外。辭浙西安撫司。以疾請致仕。特命改通直郎。所著有易提綱諸經雜說。

先生嘗為子持之改所吟鶯詩云。百喙吟春不暫停。長疑春

意未丁寧。終終對。其鵬曉始笑。從前着意。始知其意。向訂字。余如。其何。刻。王巢。食。綽約。溪春。到處。人歌。先生言。鶯巢。以。其羽。成之。至。貼近。金羽。處。以。白。鵬。羽。藉。之。所以養其金羽也。

撫州嘉靖志。持之傳。其稍詳者。言持之弟循之。字仲理。資稟溫粹。學知爲己。嘗曰。此心澄然。本無膠擾。又曰。四時變化。俱我妙用。其洞悟本心。不失象山宗旨。與門人慈谿楊簡大同云。

按魏鶴山大全集。有陸持之墓誌銘。較史傳尤詳。其辭云。嘉定十六年。月。正元日。先皇帝御路朝。特詔陸持之。秘書省讀書持之。字伯微。故象山先生文安公之子也。固辭不獲。命既至。又詔以通功郎入省。余將秉筆。沐史一見如舊交。羽學之。

元日。余爲秘書監。又得同省。余嘗榜所居室曰自菴。伯微問所以名。余曰。易象於天。行言自強不息。於明出地上。言自昭明德。天之健也。日之進也。非以爲人也。伯微竦然曰。吾所素講也。爲余作銘。大要謂義襲而取之。與集義所生。當致辨於內外賓主之分。以發名菴之義。余以是益奇之。伯微凡再乞歸。不許。上即位。轉修職郎。冬十有一月。詔與堂除屬官。寶慶元年春。差幹辦浙西安撫司。命下而伯微病矣。請致其仕。特命改通直郎。遂以三月甲子屬纊。年五十有五。諸公貴人嗟惜同聲。競致賻恤。始得脫輜於牖下。厥十月。其孤以書來曰。先君之葬。既卜兆於文安之墓側。卜日於十一月之庚申。重惟知先君莫子若也。識窳之文。敢以他屬諸孤杖而執事於殯。使先君之門人張璞以馮曾所次行實請于其弟辭也。嗚

呼伯微余益友也。銘不敢不諾。陸氏之系語在文安誌狀。伯微曾大父。我大父賀。贈宣教郎。生六子。季曰九淵。學者遵其道。稱之曰象山先生。終奉議郎。知荆門軍。娶吳氏。封太孺人。生二子。伯微其長也。生而英悟。七歲。援筆成文。文安授徒於家。伯微侍側。從容出一語。同堂生莫能易也。爲敷局。剛定。伯微年纔十三。嚴重如成人。聞講象山。徒衆百人。有未達。伯微爲教釋。厥旨出守荆門。會郡治失火。伯微倉卒。指授中程。文安器之。文安沒。伯父梭山先生九韶。言動必識事。太孺人以孝謹著。盱江利文伯。文安高第也。佐邑金谿。伯微將師事之。謝不敢當。與人語有所啓發。誦之終身。凡可以資取成德者。如積如矢。迨其剗然。豁然得氣。豁神珠。昆弟友朋。或訝其日改月化。伯微不以自足也。尤善觀人。氣有純駁。才有高下。



抑揚開闔各中其會開禧北征伯微屏居且二十年矣憂時  
不懌乃歷聘時賢將以有告過九江見徐公誼時議防江伯  
微請擇僚吏察地形孰險而守孰易而戰孰墮而伏毋專爲  
江守徐又問伯微其言自古興事造業非有學以輔之往往  
皆以血氣盛衰爲銳情故三國兩晉諸賢多以盛年成功名  
公更天下事變多矣未舉一事而朝思夕惟利害分數先入  
於中愚恐其爲之難也徐慨然留與語數日又之鄂謁薛公  
叔似項公安世之荆謁吳公獵爭先延禮尋皆謝歸著書十  
篇名以愆說嘉定三年試江西轉運司與選既下第即所居  
講授生徒有池舊名百薦遂以薦名堂著書有易提綱諸經  
雜說常平使袁公獎薦於朝謂伯微議論不爲空言緩急有  
可倚仗不報豫章建康湖書院連帥馳書幣強起伯微長之

尋以太孺人年高辭歸居四年衛公涇又致之累辭乃就諫  
生習於開放出入無節伯微每旦會揖即編其姓名於牒不  
至者麾之由是皆集遇有講授衛公率僚屬往聽焉其教大  
抵使人反求追思以不失其性之本明與人言疎暢磊落而  
自律嚴謹聚見若和易至反覆問辨則壁立千仞無少假借  
人有思念旬時不決若累千百語不能竟伯微判之俄頃盡  
以一言蓋其生長見聞既加人一等而精敏強濟又足以踐  
其所聞然而晚得一官閱十有九月而卒世之爵不稱德榮  
不蓋愧者往往皆是獨與儒生學士銖較寸量嗚呼天果夢  
夢矣乎二男子溪洞四女子尚幼銘曰金谿之陸自象山氏  
第令率強以學名世天畀厥施罔庸於時僅垂空言以淑爾  
私謂天畀之而燕厥後吁嗟燕矣亦罔克壽永興之阡其烈

言言有稽陸學茲維其傳。

陸仲時麟之

陸麟之字仲時先生仲兄處士九敘第二子也。少先生十一歲。學於先生。才識明敏。嘗從先生過南康訪朱子。見朱子所爲鹿洞講義題跋。其卒也。未及仕。人咸惜之。梭山先生爲作墓碣。後南城黃應龍題跋云。嗚呼。諸陸先生在時。家庭講學蔚然雍睦之風。而恪任家事如仲時公者。真芝蘭之秀傑也。其行事既卓然不羣。而盡瘁同堂之責。以至歲入耗半而補事默辦。公已矣。繼世多賢。向學亦衆。此天之錫佑善人也。今亦有出力如公者焉。是諸老先生爲不亡。庸知其未究於身者。不大施於後人哉。伏讀梭山先生之銘文。於斯有感。憐誠敬書其下。

陸伯蕃楨之

陸楨之字伯蕃梭山先生長子負才早逝先生與豐宅之書云遊仙巖題壁之末二姪其一名楨之者乃梭山兄之子賤質純雅少贊家政事上使下真無間言又博通經史射御筆札皆絕出等夷琴尤高平時業此者皆在下風今年二十有六春末無疾一夕談笑間奄然長逝極爲痛心

又與饒壽翁書云閱人之多亦知人材之難蕃姪平日一家賴之事無巨細皆經其心手而閒雅沉靜琴書之致溪造自得比一二月間所整葺事務至多間緒選粹晉書皆盡快無遺材力優贍誠難其輩詩文下筆皆非汎汎所到而其涵泳儲蓄不肯輕發理道精明見於事上使下處事御物可謂有證矣而甚不自足若射之有志不中不止凡此皆其有以自

處非或使之然也。此其爲難得也至矣。天何奪之遽耶。痛哉。寘乎鄉黨鄰里。莫不傷悼。况吾壽翁乎。今已爲立嗣子。名曰紹孫。乃百九姪第五子也。見擇葬地。未有葬期。恐欲知之耳。先生代致政兄祭姪楨之云。吾年七十有六。園門且將千楨。田僅充數月之糧。卒歲之計。每用凜凜。汝在同行十餘人之下。獨能任吾事。以紓吾憂。彌縫補苴。於缺絕迫窄之中。如甯然者。不動聲色。而中外巨細靡不整辦。使吾有以安之。然吾念汝獨勞久矣。顧難於代汝者耳。去年雖令諸子與汝輪幹。以遂汝學問之志。而事之本末。繫汝是賴。籬落之未葺。春榆之未便。皆在隱處。汝死之日。猶爲吾治之。吾平日見爲人臣而不恤君之民。不任君之事者。每竊憤之。有盡瘁者。必喜而愛之。况汝在子弟之中。而服勤於至難之事。若此者乎。如汝

之賢或壽而死人猶傷之況於未壯而亡乎而天遽奪乎汝汝其有以知我之哀也命也奈何莫非命也吾既以紹孫環孫爲汝後高選之山真佳城也吾見之矣翌日維吉汝其行乎

### 陸進士濬

西江人物志本傳云陸濬字溪甫九思孫象山以伊洛諸賢勉之鄉舉入國學歷陞上舍開禧末朝廷罪啓兵端者欲函首以謝濬謂失國體上書爭之不報吉寇披猖憲使李珣檄入幕中贊畫寇平欲上其功濬固辭寧宗嘉定四年登進士第授饒州教授而卒

先生與姪孫濬書共五首第一首已見定宗仰條內其第二書云家間遞至汝三信甚念汝文字意旨皆不長進如所謂

士論翕然宗之。所謂盡公舉善人無間言。斯世何幸。乃有斯人耶。此人么麼姦宄。詭事權貴。陰爲譖慝。媒孽善類。自吾在朝時。物論固已籍籍。往者擢爲少司成。又進而爲大負乘之。醜海內。羞之。今賢關之論。乃復如彼。何耶。豈汝所交之士皆不足以爲士。而所見之人皆非其人耶。沉驚二字。史家多以稱人之長。關雎亦驚。非惡辭也。向來家中書。亦有此等首趣。此非特辭語之病。甚可畏也。其他用字下語。差錯不安者甚多。已令汝尊後便逐一告汝。場屋得失有命。不足計。後生作文。却要是當。若只如此。未可便道時文不難辦。安得不動厭尊之慮也。新政雖未甚滿人意。且得輔道儲君者得人。甚有方畧。誠如是。國本立矣。實宗社無疆之休。何幸如之。人心至實。惟受蔽者失其靈耳。羣兒聚戲。袖少果實與之。見權收而

與爲禮。見市井不逞。與村農輸納者。邀入酒肆。犒之。則稱頌贊美。士大夫即據此。以爲評裁。可乎。雲從龍。風從虎。水流濕。火就燥。物各從其類也。天下何嘗無人。况賢關乎。在所以召之者如何耳。

其第三書云。吾春末歸自象山。瓶無儲粟。囊無留錢。不能復入山。近諸生聚糧除道。益發泉石。遣與夫相迎。始復一登茲山。廢久田萊。墾未及半。今食之者甚衆。作之者甚寡。結廬之人。事力有限。頻歲供役。賴其相向之爲。無倦志耳。倘得久於是山。何樂如之。未知造物者卒能相之乎。梭山所與汝言。真至言也。第致之當有道耳。此道之不明久矣。羣小則固背馳君子於此。往往亦未得平土而居之。所報時事又如此。此皆不可易言之也。紛紛之說。但可憐憫。豈復有可商校者。近聞



舊彙中有一段文字汝可精觀相識見問。但出此書及此文可也。

其第四書云學者之不能知至久矣。非其志其識能度越千有五百餘年間名世之士則詩書易春秋論語孟子中庸大學之篇正爲陸沉。真柳子厚所謂獨遺好事者藻繪以矜世取譽而已。堯舜禹湯文武周公孔子孟子之心將誰使屬之。夫子曰三人行必有我師焉擇其善者而從之其不善者而改之。又曰見賢思齊焉見不賢而內自省誠得斯言之旨則凡悠悠泛泛者皆吾師也。汝氣質外柔而中實不弱自向者旨趣未得其正時固已有隱然不可搖撓之勢矣能於此深思痛省大決其私毅然特立直以古聖賢爲的必居廣居立正位行大道則誰能禦之於此不具大勇却放過一著姑欲

庶幾於常人則非吾之所知也。其孟子所謂終亦必亡而已矣。仁者先難後獲。夫道豈難知哉。所謂難者乃已私難克習俗難度越耳。吾所深思痛省者正欲思其艱以圖其易耳。仁者必有勇。顏子聞一日克已復禮之言而遽能請問其目。可謂大勇矣。汝能以其隱然不可搖撓之勢用力於此。則仁智勇三德皆備於我。當知爲仁由已而由人乎哉。之言不我欺也。國家開暇。及是時明其政刑。雖大國必畏之矣。豈獨爲國爲然哉。爲家爲身一也。遠天之未陰雨。徹彼桑土。綢繆牖戶。今此下民。或敢侮予。汝其念之。人臣之於國猶其家也。於君猶其親也。雖不吾以而問安寢門之心。所不能忘也。黜陟施設時欲聞之。便信毋畧乎。此見羅中舍致吾意。其第五書云。人非木石不能無好惡。然好惡須得其正。乃始

無咎。故曰：惟仁者能好人，能惡人。惡之得其正，則不主於忿。  
嫉。夫子曰：我未見好人者惡不仁者，蓋好仁者非好其人也。  
好其仁也。惡人者非惡其人也，惡其不仁也。惟好仁故欲人  
之皆仁，惟惡不仁故必有以藥人之不仁中也。養不中才也。  
養不才豈但是賢父兄之心？賢子弟之心亦豈得異於其父  
兄哉？故凡棄人絕物之心皆不仁也。比吉也比輔也，此乃仁  
也。人道也。吾非斯人之徒與而誰與？澤上有地，臨君子以教  
思無窮。容保民無疆，後生晚進苟無異趣，當與先生長者同  
心。同德先生長者亦須賢子弟為先後疏附。吾嘗謂唐虞盛  
時，田畝之民竭力耕田，出什一以供公上者，亦是與堯舜  
獲同心同德。故曰：比屋可封。此和氣之所以充塞宇宙，謂  
於變時雍處末世弊俗，當使憐憫扶持救藥之心勝其憤懣。

嫌惡乃爲近。正汝當以此言深思。毋忽其爲已晚。則當有進益。有書與胡學錄。問曾盡見去年吾所與汝書否。若有未見。汝當盡以示之。雖汝亦當時一閱之。毋謂已盡爲汝剖白也。蓋其期望之者如此。

按深甫諫和戎書最見稱於當時。今從其家譜錄附於後云。國子正奏名上舍生臣陸溥等。謹齋沐昧死百拜獻書皇帝陛下。臣等竊惟方今事勢有可爲痛哭流涕者。而廟堂四五大臣莫肯爲陛下任責。侍從三四故老莫肯爲陛下盡言。苟幸事業不計其窮。雷同附和如出一律。國無人焉。以至其極。天下安所恃以爲固。夷狄安所恃以憚而不敢肆哉。自古兩兩相持。一事失中。禍不旋踵。今有國體瞭然易知。匹夫卑人皆謂不可。而主議者固冒然爲之。臣竊惑焉。曩者權臣妄開

哀端南北生靈肝腦塗地。怨聲徹天。思淚徹泉。陛下寢不安  
枕。食不甘味。皇天悔禍。權臣速誅。安危之機。正在於此。議論  
舉措。不可不審。三數日來。口語籍籍。甚可駭愕。臣雖愚竊爲  
陛下惜之。夫以陛下聖度。包荒兼愛。南北屈已。講和誰曰不  
可。然而謀國之臣。吳憊已甚。增幣加貨。累百鉅萬。竭民膏血。  
以飽狼貪。亦可已矣。函送權臣之首。檻致歸附之人。大失人  
心。重傷國體。借使夷狄踐言。猶可以自立。況虜情姦浹。方籍  
此覘國身。乃墮其術中。恬不覺察。彼必輕視中國。謂此無人。  
漸辱有加。誅索無已。其將何以應之。靖康時和議往事。可鑒。  
今市井之人。行伍之卒。一聞舉措。心冲氣塞。相顧墮泣。敢怒  
而不敢言。一介微臣。何愛一死。不爲陛下陳之。臣私竊計慮。  
有七不可。故昧死條上。陛下垂聽焉。臣聞誅賞之柄。當自己。

出移於臣下。然且不可。況移於敵國乎。邇者權臣遠誅。雖就  
菹醢。未快衆憤。陛下重以韓琦之故。俾全首領。形於詔旨。頒  
布天下。豈王樁復命。敵國藉以爲辭。於是臺諫有斲棺截屍  
之請。及再旋將命。再辱於是。侍臣始有函首警中原之說。  
其利不攻。惟虜是詢。登載汗簡。貽笑萬世。此其不可一也。臣  
聞國之存亡。在於人心。敵國相持。於此尤急者。騎劫攻齊。所  
得齊卒。劍而置之。前行又盡掘齊之墳墓而焚之。齊人怨憤。  
戰氣十倍。遂以敗燕。人心不可失也。如此。今自南而北者。彼  
則械送而沮怒之。人心向背。於此乎決。田單所以返陳於齊  
者。今顧願受而安行之。爲計如此。猶爲國有人乎。此其不可  
二也。昔國僑用百里之鄭。介於晉楚之間。童牛積豕。宜不足  
以有立。而於伯國之命。未嘗說隨。問鼎必辨。賁賂弗予。卓然

有以自振。豈才裕兵強。足以抗衡上國。特不甘爲晉之縣鄙。故能修政事。正紀綱。以植其國耳。國家襟帶江淮。連跨荆益。非小弱也。何致凜凜懍懍。一切苟且。無復生意乎。或謂已薨之首不足惜。倘或虜情無厭。巧僞交致。勦臣猛將。盡欲誅求。則陛下之忠臣。皆有首領不保之憂。人懷疑懼。未知所終。天下大勢。豈不可慮。當是之時。雖粉王構之骨。膚有及乎。此其不可三也。昔在先朝。敵國跳梁。蕩搖邊疆。當時主和議者。驅歸附之民。俾之駢首就戮。備極痛毒。失中原之心。其後追咎往事。貶責議者。今乃不鑒前轍。二三降附。舉以還敵。曾無留難。萬一使者過。及彼將盡求淮北之民。斬而不與。前功俱廢。驅而與之人所共憤。主國計者。何以處此。且人已降殺之不祥。脫身歸附。何負於前。一旦械繫置之萬死之地。其忍爲之。

青女降霜。白虹貫日。匹夫匹婦有所憾恨。上通乎天。胡可弗恤。今若竟成少恩。不復旋踵。豈惟有幸於降附之人。是驅天下之人而使之北嚮也。此其不可四也。天下甚輕之物。有國家視之。皆甚重者。不可不察也。侂冑本以冗散。躡居元老。久虛之位。罪惡貫盈。自貽覆滅。區區頭顱。在此視之。不過嚼骨一武弁耳。一旦委之敵人。彼必張皇受賊。以爲得中原之大臣。侂冑專恃固應策。此獨不爲國體惜乎。藉令三關可復。漆梁可歸。和議可成。事之輕重。亦有可議。而況有大不然者乎。於期之首已入。商於之地不酬。覆水難收。噬臍何及。此其不可五也。夫李全以遼水來歸。功雖不就。忠亦可念。袁州重圍。非納合道僧懷印以來。岌岌孤城。何以却敵。今善撫之以勸來者。尚懼弗從。况又從而檻致之乎。二人之來。一年餘矣。山



川險阻。軍國利病。彼何所不知。萬一虜人腹桎梏而專之。吾叛亡。以致死力於我。當是之時。其能括解體之人而與之角勝負乎。此其不可六也。夫虜情叵測。機事難料。二關之險。可以窺四川。漆梁之城。可以控兩淮。則彼視若不甚惜。顧乃索權臣之首。以辱吾國。取歸附之人。以令彼衆。不爭區區之利而爭人心。其爲慮深。爲謀遠矣。堂堂中國。反不慮此。內之奸賊。不得以自正其罪。外之降附。不得以自全其思。一意買和。漫陋疎虞。手足畢露。寧不爲敵國所覘。此其不可七也。臣之所陳。不待英傑。皆能與知。廟堂之區畫。侍從臺諫之議論。顧懵然於此。不知而爲。則不知。知而不言。則不忠。宗室安危。民生休戚。在此一舉。陛下幸聽臣之言。試爲陛下嚆之。夫二境交兵之時。行陳之人。力有不加。遊談之士。志有未愜。自非

知義寧免叛。亡爲今之計。莫若令使者設辭。喻之以爲叛臣。賊子人所共惡。大國志在勸忠。必不獎叛。和議已定。兩國降附之人。更爲期日。相與接受於境上。人情不甚相遠。彼不欲殺其附已。而又安敢殺其附人。其事必且遼緩。可以申解。至如元克創謀造意。身首異處。未酬其罪。軍兵憤怒。痛入骨髓。皆有食肉寢皮之意。今若梟之於邊。以快衆怨。必且競肆盡。紛軍復存全。名正詞順。自足以間敵國之口。處斯二者。各有攸當。而人心自固。國勢亦尊。敵國有所忌憚。而不敢侮。和議不俟致曲而必成。陛下何憚而不爲。此臣之所以拳拳也。屬者陛下奮發威斷。總攬權綱。收召耆儒。一新軌度。天下拭目洗耳。想望風采。敵國聳動。未之敢抗。奈何偷風薄俗。悉仍故舊。政舛令乖。無異曩時。細娛是安。大患弗圖。幾旬之間。未償

日。湯都城之內。楮幣日賤。生民嗷嗷。怨氣滿腹。淮揚新兵。尚  
需調護。湖湘小寇。且未勦絕。和戰之機。安危所係。而舉措輕  
忽。如此。胡以慰愜人心。綢繆國勢。壽我永無疆之休哉。今日  
四五歲。丞二三耆老。更越世故。已熟。豈應拙於謀國如此。特  
以懲創已甚。惟恐和之不逮。而他不暇計。殊不知戰守和三  
策。於爲國不可偏廢。今日之勢。戰固未易。守則可爲。守或未  
能和。豈足恃。奈何忘戰與守。曾不介意。而屈意請和。爲是倉  
皇卒迫。失人心。傷國體之事耶。惟陛下實圖之。冒犯天顏。罪  
當萬死。臣等不勝殞越之至。

陸家長沖

陸冲字翔父。號寶溪。亦從政公九思孫。藩之從兄也。德年並  
高。率子弟恪守家學。孝友雍睦之風。聲稱益遠。冲之力爲多。

寄任廣西王府伴讀。淳祐元年辛丑冬十月。金谿進義居表。言青田陸氏。來自吳郡。其四世諱質。字道卿。酌先儒冠婚喪祭之禮。行於家。家道整肅。著聞州里。生六子。以子貴。贈宣毅郎。素無田產。蔬畦不盈十畝。而食指千餘。長九思。總家務。久九敘治藥寮。次九臯。授徒於家塾。以束饕之具。補不足。率其弟九韶。九齡。九淵。相與講論聖道。九淵以其道聚徒。講於青溪之應天山。山形類象。故學者號稱象山先生。彬彬乎儒門。謹具表進。二年壬寅秋九月。勅旌陸氏義門。皇帝制曰。青田陸氏。代有名儒。載在謚典。聚食踰千指。合巹二百年。一門翕然。十世仁讓。惟爾睦族之道。副朕理國之懷。宜特褒異。勅旌爾門。光於閭里。以勵風化。欽哉。沖時爲青田義門家長進謝恩表云。十世義居。旌表已頒於廡廟。九天申命。勅書復昇於

門閤。乾坤之露澤新承。里宅之風聲益振。叨塵過分。榮耀下  
懷。臣誠惶誠恐。稽首頓首。臣聞修身齊家。乃大學之根本。化  
民成俗。實聖治之權輿。自唐有張公藝以來。至我宋彭氏程  
而下。懷始終羣居之義。乃荷蒙聖典之褒。眷念儒門。尤加篤  
愛。疇茲二老。乃先知先覺之民。政奉兩朝。賜文達文安之謚。  
既以千餘指宗枝之衆。聚於二百年古屋之間。詩禮相傳。簪  
瑜合契。祇謂閭閻之共處。詎期綸綍之昭垂。郡邑爭先而快  
觀。室家相慶以騰歡。自愧溪恩。孰茲報稱。茲蓋恭遇皇帝陛  
下。化民長久。需澤豐隆。中三極以作君。奄四海以光澤。人處  
唐虞之治。比屋可封。士遵洙泗之傳。里仁爲美。遂令頊末亦  
被寵榮。臣敢不仰體聖恩。俯察族類。聖益聖。明益明。長藉照  
臨之德。老吾老。幼吾幼。盡叨孝弟之誠。臣無任瞻天激切屏

營之至云

陸學士泓

陸泓字傳甫先生。長兄從政公之孫。從子經國先生行之之第四子也。歷仕至殿閣學士。其事蹟無可攷。惟吳文正公澄集中有題陸傳甫墓誌後云。文安先生兄弟六人。其伯兄從政君之孫傳甫。粹行遠識。不須家聞。號燕居之室曰頤菴。葬時。江西運管黃侯爲撰誌銘。事最辭達。足彰厥美。後復改葬。季子士橋自記碑陰。痛惻懇至。允克孝慕。於是知陸之世有人也。士橋字景薦。介特寡合。博記工文。按士橋號青田。仕至觀察使。

按先生自廩考。以上五世同居。積慶甚厚。自先生以下。又五世同居。至宋元鼎革。室廬焚毀。然後蕩析。此五世中科。

名爵位甚盛。不獨先生兄弟六人。兩進士。兩鄉舉。一徵君。而子孫通顯者。指不勝屈。長兄從政公。一門尤盛。八子。十六孫。三十三曾孫。諸孫中。論修職郎。蔭進士。國學正。次祭酒。浩。御史。辭禮部郎中。澤。給事中。澠。學士。齊。汀州守。涑。國學錄。沖。王府伴讀。洪。五軍都統制。滂。御史。提嚴州判。曹。孫中。士。梁。戶部侍郎。士。渠。同安簿。士。楚。刑部主事。士。森。工部尚書。士。悅。金紫光祿大夫。士。權。吏部員外郎。士。新。儀禮局序班。士。槐。工部贊教。士。楷。以武功封西安侯。士。楫。觀察使。士。松。廸功郎。士。本。吏部尚書。士。桂。順義令。士。機。僉判。士。東。元。山東叅政。士。和。瑞安尹。士。杞。河南府判。士。樞。戶部主事。士。楠。應天府助教。士。棧。元。山東路宣撫使司孫。曾。兩世仕宦。至三十餘人。史冊所未有也。積厚流光。豈不信哉。其處

士公以下至先生五門子孫亦皆各有仕宦然不如從政  
公孫曾之盛今不備著焉

陸參議筠

附

撫州府志本傳

陸筠字嘉材一字元禮金谿人博習修潔紹興十五年進士  
初筮仕爲貴溪簿官舍舊有木石之怪夜則觸人筠撤而新  
之令不嚴而民勸其力已而盜作邑版圖簿舍存調岳陽教  
授改宣教郎除諸王宮教授出爲江西憲時洪遵爲刺史一  
見如舊扶滿倅江陵張南軒爲荆牧以悃愾無華善言不隱  
薦之轉浙西帥司叅議奉祠官至朝奉大夫賜服金紫卒年  
七十六筠平生好讀孟子與象山意合著翼孟音解九十一  
條擇春秋左氏傳莊列楚詞西漢書說文之存古者復思考



互以成此編。周益公序之。嘗過豐城。至南禪寺。有綠筠軒。協其姓名。因僑寓。子孫遂爲豐城人。

按嘉材爲先生總麻兄之子。而年齒甚長。復齋先生親傳時。嘗從之學。其志於道。嘉材啓發亦有力焉。生平著述甚富。而翼孟音解尤著。廬陵周必大序之曰。嘉材平生篤志孟子。著翼孟音解九十一條。擇春秋左傳莊列楚辭西漢書說文之存古者。漢思互考。遂成此書。如以折枝爲磬折。腹腋讀樂酒。若樂山樂水。角招爲韶。辟子爲年。殺三苗本作窺。二女果作媒之類。皆繁若白黑。至論舜生於諸馮。遷於負夏。卒於鳴條。視漢儒所記。極弓蒼梧之說。就近執遠。孰信孰疑。此古今學者議論所未及也。且舜居河東。歷山雷澤。各有其地。而越人則指歷山舜井象田。仍以餘姚上虞名縣。風土記曲爲之辭。

人不謂然。蓋異端之作其來也久。於舜平居附會已類此。况身後乎。所謂九疑之葬。二妃之溺。宜退之黃陵碑云。皆不可信。彼孔安國解書。以陟方訓升遐。其說尤拘。書固曰升高必自下。陟遐必自邇。陟豈專訓升乎。然退之近捨孟子而遠引竹書紀年。何也。予每歎恨不得質疑於韓門。而喜嘉材嗜古著書有益後覺。藏其本迫三十年。今嗣子新融水尉孝薄。追敘先志。請題卷首。始爲推而廣之。昔唐彰城劉軻慕孟子而命名。著異孟三卷。白樂天記其事。賴以不朽。嘉材視劉何愧特予非樂天比。其能使嘉材不朽乎。